

感逝詩

鄭

詩

沈著



卷

感

沈著

鄭齋感逝詩甲集二卷附題詞五

共 2 册 存 2 册 排架号 08106

鄒野感逝詩自序

螿蟻人海顛領寡懽今雨不來停雲易逝每懷往躅輒賦  
短章所謂既痛逝者行自念也飲醇近婦愁鬱萬千發篇  
校文數逾三百茲編所錄裁十之七嗚呼向秀思舊可勝  
先零之悲馬遷述往聊盡後死之責風譏鄒下敢詔殺青  
體近虞初庶佐浮白俟有廣續再質方來常熟孫雄自序

附錄自題感逝詩稿七律四首

戊午仲夏

行年五十知天命

余今年五  
十有三

京洛棲遲粥飯僧後視今猶

今視昔岸爲谷又谷爲陵戈氛徧地餘歌哭淚眼看天  
閱廢興懷舊篇成思學佛蕭然入定對孤燈

正月繁霜百感侵  
遣愁獨把蠟醅斟  
蘭成寂寞江關詠  
屈子徘徊澤畔心  
存亦須臾終腐骨  
生雖叔季有知音  
廿年落拓耽幽僻  
蕙歎芝焚費苦吟

文字淵源契濯沆  
平生知己數翁張  
南皮瓜李思高會

東閣圖書挹古香  
癸巳冬間為翁師編東堂書目  
今日侮儒儕狗馬  
中原

右武門獮狼栽培  
傾覆由蒼昊何事  
撝戈學魯陽

歲歲流傳自挽詩  
壬子以後每遇七月十七日生日輒作自挽詩  
長年奚樂逝奚悲

人生到此吞聲易  
天聽方高悔禍遲  
挾漢洗兵無壯士

借杯澆憤有新詩  
伯倫荷鍤漸離筑  
蒲柳驚秋鬢已絲

羞棺論定息浮詞

樊序

世皆以韵語爲無用若嘲弄風月剪刻紅翠誠無用矣然少陵詩史何以稱焉詩之流別曰述情曰續景曰存人曰紀事詩中有人與事則亦史家志傳之類而非徒以藻耀聲律爲工者也師鄭孫君博學多通極命風騷淹貫流略舉凡同光以來名公鉅卿魁儒碩士皆折輩行與交而五陵遊俠名山釋子以及明經不櫛之倫莫不欽其才望冀其品目國變以來人海杜門不預世事平生師友或山頽而木拱或雲飛而泥沈君以陸機歎逝之篇寓許劭月旦之意變先賢傳先友記爲韵語題曰鄭齋感逝詩蓋亦翕

州史料之類也夫詩家之述事者亦多矣不舉其大於國  
故何關不得其真則後來弗信又或直叙其事而忘其爲  
詩徒紀事而無情或有情而無文則爲筆記可耳爲語錄  
可耳何以詩爲哉君所作以詩存人以人繫事人各一詩  
亦有一人數詩者都凡一百二十八人爲詩二百零四首  
文生於情案必有斷無一質白語無一阿私語蓋少陵諸  
將八哀之變調而能自成爲一家之言詩後各繫小傳有  
虞山秀水之遺焉嗚序可以傳已戊午三月望樊增祥序

王序

流連歡宴開府所銘結念魂交梁元有序矧在觀河之歲  
彌軫宿桑之思已墮刼輪難忘瞥電施心不死鉛淚長傾  
既涉想夫真靈因發詞而愀愴眷言師友閱歷興亡託體  
風人附庸野史此鄭齋感逝詩所由作也君以天真清裔  
翔謔神京嘗受知於鄉先達翁文恭公有國士之目而承  
明著作未竟其才虎觀晨譚鳳池夕奪郎潛積歲晦不希  
榮戊申己酉之間南皮張文襄公奏興太學推君主講文  
科六藝播芳萬流仰鏡龍門之登士慕元禮雞林之賈詩  
重香山蓋負海內盛名者已三十有餘年盍簪之會良多

碩果之存寢寡追憶平生宛然心目遂不勝仲宣城隅之  
慨元瑜異物之傷焉辛亥迄今國如僑置君以買山無資  
周南留滯鬱結誰語述造斯繇詩以言情孤懷可見鼎湖  
仙去首志攀號餘自文恭以次非爲沈澀之合即有香火  
之緣異波同瀾零落略盡芝焚蕙歎噴薄長唵念南皮之  
昔遊聽山陽之鄰笛匪惟思舊兼及遺聞柱下支流江河  
不廢若夫精浮神淪忽在世表不舍晝夜等視彭殤固猶  
宣聖川上之觀莊生齊物之旨也嗟乎子桓痛逝低徊炳  
燭之言士衡思哀悽惻寒林之步智愚同盡不過百年自  
佛眼觀之一刹那耳而此一刹那間梅塗沫聚無量愛憎

顛倒衆生如夢如幻詎不悲歎戊午三月汾陽王式通

題詞

早歲江東擅盛名  
滄桑身世隱王城  
直將野史亭前稿  
併入山陽笛裏聲  
佛與修羅同滅度  
人非上聖豈忘情  
推排代謝成今日  
對此茫茫百感生

丁傳靖

周公

王存義門

聞見尊三世  
蒼茫詠八哀  
永懷相賞意  
並有不羈才  
去國

桃千樹招魂酒  
一盃寂寥詩史在  
頭白臥金臺

平生知己少  
搖落况無鄰  
老至添新鬼

平生師友如山陰程平園長沙王葵園兩師武

進沈友聊編修並於近  
二三年中先後委化  
精亡近半人  
讀君懷舊賦  
願我望秋身

師友拳拳意天涯宿草春

李嶽蘅

茹真

霖雨歸八荒宇宙何逼窄大陸慘煙塵同室鬪矛戟龍戰  
血元黃成敗賭孤擲萬方同一概聞之動心魄我欲鋼聰  
明閉關讀周易消長玩剝復新故觀鼎革造化真橐籥探  
索永朝夕神交念故人孫子幽燕隔瑤札忽飛來新詠篇  
三百感逝述悲哀叙言見精覈天地大逆旅吾人皆過客  
君相迨士庶信宿假茲宅繁華炫爛時聲勢何赫赫師友  
互酬酢文讌懽茵席三萬六千日百年駒過隙駕言去何  
之一瞥都凍迹華屋易山邱貴賤究奚擇逐鹿莽英雄叱

屹運神策鸞鳳化鴟梟四野多盜蹠太史紀興亡幾人垂  
竹帛是非供笑罵胡爲苦行役强者何必矜弱者何必憊  
炎炎信易滅等光電火石公詩繼風騷典重曹劉格懷舊  
掬真誠祭勝一盂麥心剖比干赤血漬萇宏碧豈必臨廣  
武痛哭效阮籍豈必登匡廬狂歌追太白長吟含孤憤八  
極動撝斥日月照金函鬼神守玉冊精氣獨往來乾坤爲  
翕闢詩史吐緒餘衆人爭膾炙高駟滿京華顛頽文章伯  
陰霾久不開破空飛霹靂寰宇一廓清和風吹紫陌萬花  
齊放春天心豈吾屢知命善自愛幽憂勿成癖今爲昔人  
痛無使後人惜折柬還報公公當笑啞啞



拚將注海傾河淚併入含毫吮墨時愧我病夫猶戀世累  
公留補一篇詩

吳昌綬印丞

絕代風華世翰林繁霜玄鬢百憂侵匆匆朝市滄桑過無  
限沈吟感喟心

閔爾昌葆之

千古大招淚真堪泣鬼神哀傷詩是史殄瘁國無人悽絕  
山陽笛騷然東海塵九原同一慨吾已倦吟呻

傅增湘沅叔

人事匆有廢興仍從變滅記風鐙分明三品湘東管豈

僅裁書答秣陵

十載京塵大隱遲四朝詩史世人知華鐙又照城南夢不  
似津橋暝雨時

篋衣漬淚鬢生霜棖觸音塵總斷腸四十年來人代速重  
傷蕉萃弔姬姜

墜歡零夢各無多苦障東流挽逝波休爲彭殤較修短故  
應泡影視山河

姚人龍斧平

桑田滄海幻無窮耆舊滔滔水逝東我悔鬢眉圖老圃不

如畫意出詩中

鄉先生如翁文恭及楊詠春太守諸公昔年均曾繪入湖巢菊識圖

先生詩史閣中收棖觸山陽笛韻悠不盡興亡成敗感賦  
添思舊望松楸

戊午六月以後諸君所賜題詞均俟續刊

此處為書中條目或題詞之位置，因文字模糊，內容難以辨識。

鄭齋感逝詩  
甲集  
衡怡題

鄭齋感逝詩目錄

甲集卷一

德宗景皇帝 二首

翁叔平相國師同蘇 六首 文恭

張子青相國師之萬

三首 文達

楊詠春太守沂孫 一首

李少荃相國師鴻章

三首 文忠

龐寶生尙書鍾璐 一首 文恪

楊濱石太常泗孫 一首

張退齋廣文師瑛 一首

林錫三讀學師天齡 一首

趙惠甫刺史烈文 一首

張孝達相國之洞

三首 文襄

俞曲園太史師樾 二首

黃漱蘭侍郎師體芳 二首

黃子壽方伯彭年 一首

李仲約侍郎師文田 二首

徐頌閣相國師郝 一首 文慎

鄭齋感逝詩

甲集卷一 鄭齋感逝詩目錄

王益吾祭酒師先謙 三首

張治秋尙書百熙 一證文達首

趙次公常博宗建 一首

吳儒卿廣文鴻綸 一首

潘子昭明經師欲仁 一首

甲集卷二

張幼樵京卿佩綸 三首

蔣石楓大令師士驥 一首

吳清卿中丞大澂 一首

唐春卿尙書師景崇 一證首

林贊虞侍郎紹年 一證文直首

李紫璫大令超瓊 一首

郭汝雨明府元昌 一首

陸鳳石相國師潤庠 二證文端首

何潤甫副憲乃瑩 二首

宗湘文觀察源瀚 二首

顧石公廣文雲 二首

袁爽秋太常昶 二證忠節首

許竹簣侍郎景澄 一證文肅首

譚仲脩大令獻 一首

黃元同廣文師以周 一首

李越縵侍御師慈銘 二首

志伯愚將軍師銳 二證文貞首

陶子方督部模 二證勤肅首

龐劬庵中丞鴻書 二首

王廉生祭酒師懿榮 二證文敏首

于晦若侍郎式枚 三首

言應千大令家駒 一首

孫仲容部郎貽讓 一首

薛炯銘大令師應樞 一首

曾詮仲部郎師之撰 一首

黃吉裳閣學師卓元 一首

張巽之觀察師孝謙 二首

吳梅卿處士外祖廷榮 一首

楊聿聲上舍外舅受基 一首

王蒿隱農部頌蔚 二首

張雨生刺史溥東 一首

錫清弼督部良 一首

李亦園比部希聖一首

任逢辛觀察錫汾二首

鄧季垂觀察嘉嶺二首

甲集卷三

陶心雲孝廉溶宣一首

費西蠡太史念慈一首

江建霞京卿標三首

文道希學士廷式二首

黃公度京卿遵憲一首

馮星巖中丞汝駉一論一首

馮果卿觀察汝桓二首

楊思再大令同福一首

楊實甫大令崇光一首

諸遲鞠大令可寶一首

張子馥大令祥齡一首

汪穰卿內翰康年一首

吳君遂部郎保初一首

丁叔雅徵君惠康一首

鄭叔問內翰文焯二首

汪芝房侍讀鳳藻一首

李文石觀察葆恂二首

王苑生觀察修植一首

王孝禹觀察瓘一首

陳惕庵孝廉玉樹一首

端午橋侍郎方三論一首

王捍鄭太守仁俊一首

甲集卷四

熙吉甫祭酒元一論一首

朱曼君孝廉銘盤一首

饒石頑觀察智元一首

蔣稚鶴太守廷黻二首

張嘯圃提學鶴齡二首

劉葆真太史可毅二首

范肯堂明經當世一首

林暉谷京卿旭一首

譚復生京卿嗣同三首

楊叔嶠京卿銳一首

孫筱川農部國楨一首

言謇博大令有章一首

麥蛻庵孝廉孟華一首

江杏村侍御春霖二首

沈誦棠太史鵬二首

沈林儷昆觀察一一首

顧康民侍郎肇新一首

沈友卿太史同芳三首

朱芷青學部聯沅一首

翁蘭士觀察之繕二首

邵心炯茂才會鑑一首

蔣伯斧部郎黼一首

劉少延太守志良一首

許仲護女士禱身一首

繆珊如女士寶娟一首

寄禪和尚敬安二首

葉龕和尚玉峰一首

以上甲集共四卷都凡一百零五人詩一百五十九首

乙集卷一

袁大總統 六首

趙智庵總理秉鈞一首

王壬秋館長闔運 四首

楊惺吾參政守敬二首

鄭子進將軍汝成 三首

阮斗瞻內史長忠樞一首

湯螫仙都督壽潛 二首

蔡松坡將軍鏢 三首

許東畬參事星壁 一首

翁又申知事炯孫二首

倪香圃中將毓葵 二首

金寶齋諮議葆楨一首

何鬯威僉事震彝 二首

陳簡始都督昭常二首

宋遜初總長教仁 二首

龐槩子文學樹柏二首

趙青侶知事敝鴻 二首

黃摩西文學振元一首

陳完甫推事兆奎 一首

陳介石議員蔽宸 一首

朱石安局長家盤 一首

周道如女士砥 二首

呂女士崑秀 一首

以上乙集一卷凡二十三人詩四十五首

甲乙兩集共計五卷都凡一百二十八人詩二百零四

首

各人先後略以時代輩行爲次然亦間有以類相從致  
盧後王前不無倒置者幸勿斤斤於科分年齡刻舟求

劍也

甲乙集之分乃以人爲主其人逝世雖已在辛亥以後

而完全爲有清人物者均入甲集他日續編出版仍用  
此例

頻年所作感逝詩共有三百餘首茲編所錄祇十之六  
七此外各詩因須搜討事實徵求遺著用資印證且備  
箋疏故不得不稍緩須臾以待廣續出版尙冀明德之  
後闡揚先緒攷獻之彥蒐輯軼聞不憚其煩惠而好我  
俾得藉以成書稍盡後死者之責不獨餽生之幸也戊  
午五月五日孫雄附記





得天祿琳瑯得書字五言八韵雄所作有芝泥鈴五福  
藜杖燭三餘之句親邀宸賞拔置壹等第二名翁文恭  
師親爲余言之

伯牙絃絕慟鍾期孫竹江南第一枝經濟他年無地用焦  
桐爨下負真知

同邑翁叔平相國師同蘇

諡文恭

癸巳順天鄉試師爲正考官余以第二名入選俗稱爲  
南元蓋北闈解元例須直隸籍也次年三月先祖母楊  
太恭人九十稱觴師撰楹帖云壽護堂北長生草孫竹  
江南第一枝 甲午闈前師評余所爲制藝云時文中  
有一種粟姚之氣才人也他日必有一番經濟在

滄海歸人感暮寒曾聞韓泐記金鑿成均舊侶凋零盡去  
國焦先結古懽

其二

戊戌四月二十七日師忽奉嚴旨放歸田里是日爲師  
降嶽之辰故王幼遐給諫半塘詞中鷓鴣天詠史之作  
有云武安私第方稱壽臨賀嚴裝早辦行 鄭太夷方  
伯孝胥集中有暮寒七律云宮中二聖自稱歡滄海歸  
人感暮寒旅力旣愆時竟失風波垂定事尤難是非坐  
共微言絕恢復終憑老眼看料得淚痕潛漬筆廿年密  
記在金鑿 師於戊戌五月五日襪被出都前數日閉  
門謝客整理琴書以薊嬰老人手鈔詩冊持贈盛伯希

祭酒豈爲別後之紀念祭酒以文文水金焦圖爲報併  
題長句以送別云大江東下不可收金焦兩點橫中流  
果然鏗卻亦快意那見蛟鱷驕清秋文水不畫潢汙水  
蒼茫紙上天拍浮重樓翠阜絕滄海松寥隱隱茆庵留  
我藏此卷早夢遊出沒日月狎海鷗公今被恩得長假  
壓裝書畫填歸舟寥寥片紙不足重拳石想像撐五洲  
成均故人盡凋落微官十載前公休吾宗香嬰有故事  
鄉居養病親服疇未惜相去日已遠三年賓館刺不投  
抱瓮灌田各努力神觀詎以形骸求畫中有人公是不  
嗚呼公竟焦先儔

十萬橫磨劍有鉞王恢謾語近披昌譽驚鹿走都兒戲隅  
坐觀基黯自傷

其三

師以戶部尙書拜協辦大學士之命事在光緒乙未秋  
間時桐廬袁忠節公昶方爲蕪湖關道曾有賀詩十二  
律典雅莊重頌不忘規茲錄其第七首云藥洲重訪古  
講幄繼華光北狩諫灤水東殘今樂浪門徒鉞躁妄新  
進斥披昌已寤王恢謾橫磨說劍鉞按北狩諫灤水謂  
咸豐庚申秋間文端相國屢上封事也橫磨說劍鉞蓋  
謂甲午中日之役師之主戰不免誤信及門中二三書  
生之言輕開邊釁也師致譚文勤督部鍾麟函云徵

兵不至至則不行行則無械在前敵者驚蹙走鹿真兒  
戲哉又云天下事敗壞決裂一至於此此如奕碁滿盤  
皆錯而吾亦在隅坐之列焉得不憂傷憔悴耶余謂  
甲午主戰誠不免失之鹵莽然當國者迫於忠憤要不  
得輕議其非迺世之論者於饋軍之將反多怨詞甚或  
助彼張目以責備賢者亦可哂矣  
瓶廬私記甫成編攜拾蠶殘蠹字仙頭白士衡捐鶴俸校  
刊遺集待何年其四  
師歿後奏議詩文日記均未付刊惟其姪孫名永孫者  
輯有瓶廬詩鈔四卷詞鈔文鈔各一卷以聚珍板印行

此君搜輯頗具苦心惟交遊不廣僅於里黨中徵求遺  
著故凡有關朝章國故之作蒐錄無多又同邑王葵生  
茂才朝瑞趙古泥布衣石二君書法工於摹仿佳者或  
能亂真題畫諸作多非真稿概加採錄失之濫矣余  
輯有瓶廬言行私記八卷師自立朝以後每晚必自  
書日記簡潔有義法余於甲午春間曾見數冊倘將原  
稿上石付印實爲人間之至寶曾文正李文清之手書  
日記不能專美於前矣陸吾山方伯襄鉞咸豐戊午  
舉人師與潘文勤典試陝西所得士也久宦吳中循聲  
洋溢其時師已削籍還山方伯請業殷勤不以顯晦易

轍尤足多也聞方伯罷官之日因師遺集未刊特捐俸  
銀壹千兩寄交邵伯英前輩松年存儲以爲剞劂之資  
其拳拳師門足以風矣

雄似南園勁道州卽論餘事亦千秋揮毫落紙深心託三  
百年來第一流其五

師歿後徐倚虹前輩兆瑋作挽聯云戊戌政記長安宮  
詞倦眼閱滄桑更爲師門增一慟瀛海仙班蘇齋題跋  
深心託豪素卽論餘事亦千秋  
可憐管鑰付僮奴鵝鴝峯高一鶴孤書畫飄零增感觸前  
緣疑有復疑無其六

邵伯英前輩松年曾將所藏書畫分類編目輯爲古緣  
萃錄一書文恭師爲作序篇末云蒙也不學亦嘗嗜此  
然而食無餘資居無定宇置几格於藩溷之旁付管鑰  
於僮奴之手其於緣也蓋在有無間耳

余有哭文恭師七律四首附錄於後  
敝屣三公脫袞衣鵝峯投劾浩然歸文饒詎意逢牛相  
忠武何曾薄杜微營奠有詩鴛夢冷在陰寡和鶴巢稀  
西州門外盈眶淚灑向秋風萬葉飛  
綠野逍遙筮舍藏山中夜半坼星芒論功謀斷高房杜  
醫國瘡痍待扁倉二豎相依終毀室九原可作許升堂

臨終自喜超塵繼抉漢騎龍返帝鄉  
濫竽秋賦又春官桃李公門厠鳳鸞說士甘言傾肺腑  
立朝苦節掬心肝平津莫府人才萃丙吉車茵禮數寬  
四十鬢絲漸零落伯牙古調莫輕彈  
韋平望族炳山河元老凋殘慟逝波瘞玉傷心耆獻盡  
鑠金騰口謗書多孤懷寥落誰憐蚊私願激清誓駕鼉  
東閣招延慙食客廿年迴首涕滂沱

不讀孫吳管晏書湖山坐嘯福誰如優游盛世真堪羨坐

我春風載後車

南皮張子青相國師之萬

諡文達

師遺集中有和潘季玉丙子元旦試筆元韵云同作優

游盛世人清時有味是閒身又云樽前且共談風月不  
讀孫吳管晏書

春至冰開暖硯池江南烟雨寫絲絲鳳雛詩筆傳弓冶接

武夔龍侍豹旗

其二

甲午殿試師充讀卷大臣是時年已八十矣余於館選  
後摳衣進謁備荷獎飾又詳詢江南風景蓋師撫蘇最  
久公子蘭浦侍御瑞蔭生於吳中節署故時時憶及也  
師有題畫詩云數載江南悵別離空將煙雨寫絲絲茗  
甌啜罷憑闌望記得湖樓曉坐時  
蘭浦侍御有敦樸  
堂詩鈔庚子聞和局已成感賦云汾陰秋老停鸞恪華

岳雲高擁豹旗

民安耕鑿樂熙春兵氣潛消賴徒薪二品教官鐫小印羊  
公裘帶靜無塵其三

師在豫撫任內覆陳遵查勝保暗招苗練情形摺云苗  
練死黨不過二萬人其餘皆係附從故必號稱爲官勦  
賊而後可以迫脅民團竊謂爲今之計湘軍不宜操之  
已蹙北兵不宜信之過堅但許其爲安居耕鑿之農民  
而不用爲執梃前驅之義旅則彼借官脅衆之技無所  
復施 呂幼舫內翰景端藥禪室隨筆云文達胸無町  
畦寬仁容衆撫豫時防剿之功尤關係肅清大局其官

漕督時鈐小印曰二品教官風趣可想畫得婁東神髓  
近師戴鹿牀幾突過之

倉籀精神默感通許書大義日方中童年雅訓俱成誦及

見虞椒翌鏤翁

同邑楊詠春太守沂孫

太守答龐文恪書論許叔重說文之學云段氏之書世  
有議其武斷者蓋未深究段氏之指故同下士之笑至  
貫山更能探造字之原糾許氏之失段爲許之功臣王  
乃許之諍友也貫山云許君之精神與倉頡籀斯相貫  
通故能作說文今人之精神必出許君之前乃能與許  
君相貫通而後可以讀說文此論精闢博大自魏晉以

後無人能道蓋小學屆此時如日中天矣竊謂欲識倉沮制作之原當觀商周鼎彝文字叔重所著錄者皆沿李斯小篆此乃當時俗體據小篆之形以論象形亦猶據隸楷之形以論象形也故許書亦多從俗未盡稽古古文在漢已不能盡辨其字况能盡通其義乎貫山實能據古文以糾許氏此其所以獨絕也沂年來於小學頗有心得略知許書有從俗之處惜乎不得親與貫山證辨也舍弟携王氏書歸驚嘆欲絕肆意評駁且附鄙意於上自知荒誕而不能已因來書論及故以質之李經彝觀察寶淦筆記云先生篆書名天下自署濠叟

筆意出獵碣及各鐘鼎款識臨摹篆刻者凡數十種余八九齡時隨侍先贈公讀書於張雨生刺史齋中太守與刺史契厚時相過從每見余讀爾雅儀禮諸經輒爲剖析講解又以手書說文部首見贈太守有觀濠居士集尙未付梓晚年又自號虞椒世多墨吏辜眞鑒公有丹心答上蒼寄語蚍蜉休撼樹豐功偉烈炳旂常合肥李少荃相國年伯鴻章諡文忠文忠於光緒年間處萬難之勢膺至鉅之任致負天下重謗然平心論之有清中興諸將帥之以武功起家而能辦理交涉協和遠人周旋危難之間折衝樽俎之際

如公者殆罕其匹公疏節闕日本功名中人以視曾文  
正之知人善任和氣謙德位彌高而學彌進者誠有不  
逮故曾公所用多才德兼優之士公則繩墨不拘雜流  
竝進遂使織人豎子乘隙而圖富貴致爲盛德之累此  
則不能爲公諱者然小德出入卜氏之遺言公久在軍  
中蕩平髮捻功炳旂常豪氣壯志細行不矜亦固其宜  
初不料屬吏之辜恩若此也同光以來吾國之輪電  
路礦製造武備何一非公主持使公不幸歷年五十餘  
卽已鞠躬盡瘁則并此無之後人更何從措手乎  
強鄰張目機千變當軸操心事萬難盡瘁鞠躬應不媿爲

爭俄約嘔忠肝

其二

公病篤時方與俄國政府議訂東三省還地之約此約  
名爲還地實則佔地俄人處心積慮已久勢難以口舌  
爭又值和局甫成人心未定公以耆年病體調燮枝拒  
煞費苦心易箠之頃歿而猶視時蓬仙觀察慶萊詩云  
塔未合尖遺恨在黑龍江上易生波語雖紀實惜微近  
於調侃耳

鯁生清淚灑寒楓留意人才感相公越縵遺詩堪十讀九

京誰起兩文忠

其三

天不慙遺朝野歎九京誰起兩文忠李越縵侍御師慈



銘黃鶴樓弔古句也兩文忠謂林侯官與胡益陽余謂  
嘉道以來諡文忠者以駱花縣與林胡三公爲最賢故  
拙作挽聯以三公並稱聯語甚長附錄如左 上下五  
千年就歷代名臣商位置則與周召虎漢班超唐郭子  
儀不判低昂縱橫九萬里萃五洲賢相角短長則與英  
沙侯日伊藤德俾士麥遙相伯仲澤在生民功在社稷  
尙亦有利哉一个臣緯武經文累譯重洋深愛戴 錫  
榮封則推恩大賚列爵雄藩與果勇楊侯毅勇曾侯恪  
靖左侯並叨異數褒美諡則盡瘁鞠躬留芳百世與花  
縣駱公益陽胡公侯官林公永訂同心其生也榮其死

也哀如之何可及億兆姓懷思感泣建祠立廟薦馨香  
甲午會試余出商城張巽之師房巽之師曾居文忠  
幕府出闈後馳書相告文忠覆函謂久知孫生之名他  
日定成偉器舊例庶吉士本須謁見閣師余七月中乞  
假南旋道出津門正擬搢衣進謁適接先贈公白下病  
電卽行航海省視然知己之感未嘗一日去懷也 文  
忠挽聯不可勝紀余已選人楹聯瑣話今錄樊雲門前  
輩增祥嚴幾道參政復兩聯於後樊云能任天下伊尹  
似之治亦進亂亦進不以兵車管仲力也如其仁如其  
仁嚴云使先時盡用其謀知成功必不止此倘晚節無

以自見則士論又當如何

世仰昌黎如北斗人思安石起東山乞師惠澤貽桑梓辛

苦兵間國步艱

同邑龐寶生尚書鍾瑒

論文格

世仰昌黎有如北斗人思安石再起東山此係林錫三  
學士師督學吳中時答文恪函中語也見昭代名人尺  
牘續編○文恪致曾文正函云安慶之捷奇功卓著沿  
江賊氛望風瓦解吳民仰企大兵奚翅時雨近日浙省  
吃緊特甚蘇省祇有數縣亦岌岌可危爰與諸同人環  
請麾下拯之水火又云江浙糜爛江北亦恐難恃晚庸  
懦無能本有怔忡之疾蒿目而蓬心故疾益甚又云此

時吳民受賊荼毒日深大兵一至則陷賊之民皆思殺  
賊無用之兵亦皆有用一萬可抵十萬非虛言也一切  
情形詢之錢戶部必得其詳○翁文恭師撰墓誌云公  
治經守師法長於制舉之文居臺閣以詞賦名所著有  
孔廟祀典考古文詞奏議海內之士以學行推公而蘇  
則服公在兵間而不輕言兵事推賢與能而不尸其名  
易所謂慎密而不出者公足以當之矣

坡老曾爲禁近臣衡文歐九貴清真林泉廿載航吟詠風

雨歸遲有故人

同邑楊濱石太常前輩泗孫

前輩久直南齋典試湘魯均稱得士吳仲樸侍郎重意

王湘綺館長闔運均出其門 逝世前數日適翁文恭  
師乞假省墓行抵里門已不及相見翁師挽之云風雨  
客歸遲我媿巨卿真死友江湖天遣老誰知蘇軾舊詞  
臣又俞曲園師挽聯云擢上第以登朝十八學士供奉  
禁廷六一先生主持文柄捧賜書而歸里謝傅東山尙  
存遠志鄭公北海頓失經師  
歸方文派有餘師知退名齋善守雌詆蕩曾門多俊傑閒  
雲野鶴亦相隨 同邑張退齋廣文師瑛  
師有知退齋文集體格峻潔嗣響震川曾文正督兩江  
之日師曾居幕府與戴子高明經望薛叔耘京卿福成

論治論學函牘往來積稿盈寸仲子祖誠嘗以示余  
儒門法語服拳拳舊學甘盤勸任賢老輩愛才真似命我

慙舞勺甫成篇

長樂林錫三讀學師天齡

師在宏德殿行走授穆宗讀穆宗好微行師剴切進諫  
嘗以任賢勿貳去邪勿疑論命題穆宗頗憚其方嚴遂  
有江蘇學政之命 俞曲園師撰墓表云君受知於長  
洲彭文敬公公授以儒門法語一書君自是始博覽先  
儒之書其所造於姚江爲近然其論學曰主敬主靜一  
也而學者必從主敬始則程朱之說尤爲無弊矣 光  
緒戊寅九月師按試蘇屬余年甫十三八股文及律賦

僅能完篇師激賞其文取入昭文邑庠得附博士弟子之列師最喜髫齡秀士是科蘇屬同入彀者如張仲仁秘書長一夔孔康侯禮部昭晉均不過舞勺之年師每於按試事畢召集諸生勉以敦品勵學究心宋五子書以期他日處爲名儒出爲循吏又各給以儒門法語讀書分年日程等書

中年解組臥元龍天放樓高十二重題跋萬言牴右手避

人嗜古託疏庸

陽湖趙惠甫刺史烈文

曾文正特保常州四人均有濟世之才曰劉翰清方駿謨周騰虎其一卽刺史有天放樓集官易州知州中歲

歲卽解組歸田愛吾邑山水之勝廡居城西闢園林曰靜圃覃精金石著述甚富宗湘文觀察得長垣本華山碑刺史爲跋三首凡三千七百餘言多考證經義字義發前賢所未發令子君簡太守賓陽君閔大令寬均博雅直諒能傳家學與余並有盍簪之誼乙未丙申之間余與君簡先後奉諱里居往來尤密縱論今古契如符節今則墓門宿草亦已十年矣

六經根柢史波瀾廣雅堂中笑語懽文敝道衰三歎息千

金市駿爲才難

南皮張孝達相國之洞

論文襄

文襄管理學部時創辦分科大學奏派余爲文科大學

監督平居接晤每因道喪文傲扼腕三歎  
不戢自焚兵似火手書遺疏意拳拳立朝正色天潢憚葛  
亮忠勤可答天其二

文襄因洵濤兩貝勒欲出長海陸軍在樞垣力阻與攝  
政王意見相忤鬱憤成疾竟致不起臨終授意幕府擬  
遺疏稿既成令誦之又自撰四句添入稿中云治國以  
節用愛人爲本無忘祖宗永不加賦之言養兵以明耻  
教戰爲先當思古人不戢自焚之戒言定書錄錄其  
在公夙夜矢勤劬顛倒衣裳有謗書大學中庸原一貫同  
根何苦欲相鋤其三



文壬辰癸巳間徐季和副憲致祥嚴劾文襄後由某公查  
辦其覆奏疏中有云譽之者曰夙夜在公勤勞罔懈毀  
之者曰興居無節號令不時 文襄中解元題爲中庸  
之爲德也二句副憲中會元題爲大學之道三句其文  
全襲文襄元作格調副憲清德雅望亦爲世所推重惟  
彈劾文襄一事不免門戶之見耳  
玉堂舊夢付雲煙花落春留好句傳諸子羣經劬校訂著  
書拚命卷盈千德清俞曲園太史師樾  
師致戴子高明經書云近因遣嫁次女入京小住月餘  
不出應酬惟同年至好如叔芸輩間一往還或興酣落

筆率爾塗鴉以應好事者之求至於玉堂舊夢付之雲  
煙之過眼矣道光庚戌進士覆試曾文正充閱卷大  
臣欽命試帖詩題爲淡煙疏雨養花天師作首句云花  
落春仍在文正擊節歎賞謂此與將飛更作迴風舞已  
落猶成半面妝相似他日所至未可量也力言於杜文  
正因置第一師遂以春在名堂師有羣經平議諸子  
平議各數十卷曾文正嘗云李少荃拚命做官俞蔭甫  
拚命著書  
湖山戀我幾忘老科第重人毋鴛名表墓淋漓燕許筆高  
文擲地作金聲其二

階青太史陞雲於光緒戊戌年以第三人入詞館師已  
年逾七十口占兩聯以誌喜其一云念老夫畢世辛勤  
藏書數萬卷讀書數千卷著書數百卷喜小孫連番僥  
倖院試第一人鄉試第二人廷試第三人其二云湖山  
戀我我戀湖山然老夫耄矣科第重人人重科第願吾  
孫勉之師於晚年接見門弟子每以鴛名爲戒庚寅  
歲余在里門時以說經論史之文郵寄姑蘇乞師評騭  
師必賜函獎勉嘗憶有一函云東坡云畏過實之名如  
虎鄙意同之先贈公墓誌銘係師所撰  
盛世能容直道禽一清如水勵臣心愛才若渴勤宏獎講

舍宏開惠藝林

瑞安黃淑蘭侍郎師體芳

師六十正壽張文襄贈詩有云貴臣自憚愚忠黯聖世  
終容直道禽南菁書院爲師督學江蘇時捐資翹建  
延聘名師選高才生肄業其中月課以經史實學成就  
甚衆

永嘉學派有真傳吳會英才拜馬前道學儒林融派別抉  
經執聖濬源泉其二

書院中建藏書樓祀漢高密鄭公宋新安朱子師自爲  
楹帖云東西漢南北宋儒林道學集大成於二先生宣  
聖室中人吾黨豈容分兩派十三經廿四史諸子百家

萃總目之萬餘種文宗江上閣斯樓應許附千秋又云  
東林講學以來必有名世南方豪傑之士於茲爲羣

深宮曾誦大蘇文晚歲開藩出岫雲羣彥汪洋都學古亭

林定宇紹清芬

貴鏡黃子壽方伯彭年

方伯任蘇藩時擬設學古堂以實學課士如胡綏之部  
郎玉縉王扞鄭太守仁俊均堂中翹楚也 丁竺雲孝  
廉蓉綬磨綺室詩存有寄黃子壽保定六首其警句云  
宮禁才名羞狗監海天時事泣鮫人又云聖相特勞臣  
愈筆先皇曾誦大蘇文又云歐九原宜知貢舉長卿那  
忍怨高寒 呂幼齡內翰景端藥禪室隨筆云子壽方

伯名高而宦不達三任旬宣終未開府生平以整飭風紀扶植士類爲己任嘗掌教保定蓮池書院以畿輔通志局自隨成就甚衆名流翕然歸之

下第劉費勞永歎當年勒帛悔無心萬安宮殿同憑弔苦

憶圭塘許翰林

順德李仲約侍郎師文田

師歷典川閩江浙試事又督學畿輔所至均得士戊子江南榜尤多鴻碩余卷因有過激語爲師所擯後邀佐順天學幕翦燭譚藝契洽無間追述前事引爲大憾援東坡失李方叔以自比師有詠萬安宮遺址詩云阿爾臺山白草肥萬安宮殿舊都畿當年突厥兼回鶻兩

代牙庭化夕暉又云斷瓦殘當歲月深沿河翁仲草蕭森碎碑滿地無人拾歎息圭塘許翰林  
畿輔輶車載驟駸豹房內傳幾沈吟南齋供奉生花筆葵藿傾陽一片心其二

師精熟遼金元三史及金石碑版目錄考證之學詩派於竹垞覃谿爲近惟疏散不自存稿余於壬辰癸巳間從輶車周歷順直所屬各州郡校藝餘閒時相賡唱如宣化道中及多倫懷古諸作均有和章師於永平承德宣化道中雜詩最多今憶其一絕云萬口喧傳土一坏東西青塚各千秋豹房內傳凋零盡不怪人疑綴白



好雅方及信好庸  
以見石文不以此也

裘 師侍直南齋資望最深才思尤為敏捷極荷孝欽  
后慈眷凡題畫詩詞及內廷春帖子非師作不能稱旨  
也師每於進御詩詞因事納規余已於東華夢影錄中  
別記之矣

通人兩字荷評題五色縱橫目不迷刻意求庸能載福守  
雖老學悟為谿 嘉定徐頌開相國師部 論文慎

甲午會試師評余卷云經策博洽通人何疑榜後進謁  
師猶掀髯自笑詡老眼之無花也 師自號庸全老人  
嘗語余云作文當力避平庸若持躬涉世皆當刻意求  
庸庸為天下之定理奈何舍此而他求哉

義法推求師惜抱典墳囊括配儀徵等身著作空千古當

代龍門許我登 長沙王益吾祭酒師先謙

師著述之富奚止等身以東華錄皇清經解續編續古

文詞類纂漢書補注四種最為博大精深承學之士靡

不家置一編 丙戌丁亥吳郡歲科試余所作制義律

賦及說經之文均為師所激賞每試輒冠其曹時余方

肄業南菁書院師於按試餘閒命至衙齋侍坐時時商

推文字指示涂徑又令校勘續經解諸書余之粗知學

問實由師啓之也

一疏批鱗駮寺人挂冠歸去臥湖濱獨營文苑千秋業不

踏京華十丈塵 其二

師於光緒乙酉八月奉命視學江蘇至戊子秋間任滿  
上疏嚴劾李蓮英弄權納賄恐累聖德語甚切直留中  
不報師遂乞病還山

洗眼雲光鏡不疲  
衡量燕雀析毫釐  
風檐特許燒銀燭  
枚速終應遜馬遲 其三

師按試吳中各屬終日堂皇校閱文字取列各卷無不  
手自評鶩語焉必詳不啻塾師之於弟子又每遇經古  
試場輒許焚膏繼晷使諸生各盡所長嘗以司馬相如  
善爲文而遲賦命題課士

目營四海寸心違  
萬馬嘶風落葉飛  
興學樹人期救國  
宏

開珊瑚選珠璣

長沙張治秋尙書百照

諡文達

文達任學務大臣最久吾國學堂章程均經審定  
戊之秋文達在粵東學政任內以濫保人才革職留任  
曾作秋感八首有云肉食一官雙鬢冷目營四海寸心  
違又云劍干北斗雙龍氣葉戰西風萬馬聲  
經神降嶽應良辰道邁猶龍善葆真腹有甲兵志巖壑相  
公銘墓墨痕新 同邑趙次公常博宗建  
次公生日爲七月初五與漢高密鄭君相同 翁文恭  
師作墓誌銘凡三易其稿今原稿均藏余處業已裝潢

成卷 銘語云衆人營營我珞珞胸藏甲兵志巖壑有  
鶴在樊驥繼脚後欲知之此其略  
來源同湖古徽州谷飲巖栖點也儔和易近人心自介大  
椿不老歷春秋 同邑吳儒卿廣文鴻綸  
廣文爲竹橋禮部蔚光之曾孫與余家同自休寧徙居  
虞山先高祖吉士公與竹橋先生唱和詩冊余曾乞廣  
文題詩有來源同湖古徽州鄉思交情歲月悠之句  
廣文卒時年已八十有六翁文恭師作墓碣記云有龔  
疾而通曉天下事勢與人和易而君子小人之辨甚嚴  
目家貧而一介不取淵乎澹乎莫能測其際矣

文無定法惟求是學重躬行不在言垂老課孫讀周易剛  
柔精義闡乾坤 同邑潘子昭明經師欲仁

師服膺程朱之學力行身體踐履端嚴所著惟是堂四  
書文鈔實能羽翼經傳發前人所未發卽論風格亦直  
入震川之室 余三十以前究心考據詞章之學師時  
時貽書勗勉謂當求其遠者大者庶幾他日處爲大賢  
出爲名世考據之學得此已足不必多求也 令孫毅  
遠茂才任劬學勵行克傳祖硯辛亥以後憤世嫉俗鬱  
鬱而卒 曾詮仲部郎師之撰幼工四書文爲惟是堂  
高弟潘師晚年仍設帳曾氏課孟樸太守及毅遠讀此

爲光緒己丑庚寅年事其時師已七十餘矣至辛卯冬  
間卽應奠楹之夢 生平於周易致力至深有易經大  
義述稿凡數易

鄭齋感逝詩甲集卷一終

鄭齋感逝詩甲集卷二

常熟孫師雄原名師鄭

孤立須防羅者多馬江戰壘忍重過莫將成敗論豪傑宋

代齊名谷與坡豐潤張幼樵京卿佩綸

京卿直言極諫臺閣生風權貴之側目久矣因其素喜

論兵遂有視師閩中之命蓋早知其必敗欲以間執其

口也集中途張文襄巡撫山西七古有云海內徒將谷

擬坡朝端惜未王隨貢又云孤立須防羅者多政成早

致與人誦又云縱幸批鱗不逢怒其奈炙膚未覺痛吁

嗟一陽戰羣陰譬以涓流疏積壅京卿初由侍講學

士署左副都御史後被吏議旋賞編修又晉四品京堂  
九幽孤憤未能降生死交情淚滿腔聽水聽鐘長不寐張  
都遺像拜洪江其二

陳弢庵太傅寶琛與京卿交誼最摯酬唱之作膾炙藝  
林聽水齋集中有山中懷寶齋云東坡飲啖想平安寒  
上秋風又戒寒久別更添無限感卽歸豈復曩時歡數  
聲去雁霜將降一片荒雞月易殘獨自聽鐘兼聽水山  
樓醒眼夜漫漫又寶齋以小像見寄感題却寄云十載  
街西形影隨五年南北尺書遲夢中相見猶疑瘦別後  
何時已有髭機盡狎漚原自適聲銷賣藥漸無知江心

憶拜張都像熱淚如潮雨萬絲陳石遺詩話云夢中相  
見一聯當時最爲傳誦末二語謂臺江上流爲洪江水  
中有小島名小金山山上僅容一寺寺中有一小塔客  
堂中供明都御史張經像經以倭兵事被陷死者寶齋  
自臨前敵始終駐馬江未入城旣敗被議遣戍由馬江  
泝流而臺江而洪江而建溪然後旱路北行也弢庵送  
別於小金山故追憶之云又入江哭寶齋云雨聲蓋海  
更連江迸作酸辛淚滿腔一酌至言從此絕九幽孤憤  
孰能降少須地下龍終合子立人間烏不雙徙倚虛樓  
最腸斷年時期與倒春缸

文采空羣世所驚，  
傷條予尾憶南征。  
叩門來集雞林賈，  
象寄偏知訴不平。其三

京卿集中有雁詩數首，均以自况。茲錄其一云：一雁何殊色，空羣世所驚。蕭條仍北向，艱瘁爲南征。叫且冰難解，悲秋月自明。主人終不殺，矜惜尙能鳴。馬江之戰法將孤，拔殲焉集中有出次察罕陀羅海五月二十六日都統急劄追還紀事五古一首有云：未獲襄老尸，耻作孫歆報。又云：無端萬國客，叩門集羣噪。頗疑雞林賈，領略詩中妙。自注云：日本游歷使赫田顧向造余求見，卻之則以書白孤拔死事。

韓方制藝度金針，設館分餐惠愛深。  
孝友循良無媿色，祝河重過涕霑襟。同邑蔣石樞大令師士驥

師事繼母至孝，作宰廬江六年，善政不可殫述。於八股文致力至深，辛卯壬辰兩年師延余課其子孟穀、茂才。岷講藝論文靡間，昕夕師於歸田，後營新居於城南。地名祝家河，頭臨流，建樓藏書，教子怡然，自樂塵視軒冕，蓋深有味於老氏知足知止之義者。辛壬之交，三弟叔翔、茂才、同虞亦從余讀。余每有考据經史之作，輒由叔翔與孟穀錄副。壬辰北遊以後，曾乞友人繪有祝河課弟圖。叔翔聰穎好學，惜不永年，甫逾弱冠即赴玉

樓之召

寶器曾藏微子鼎去思猶繫定王臺動猷半爲文章掩射

虎屠鯨百念灰

吳縣吳清卿中丞大徵

中丞撫湘時與傅節子書云湘中吏治未易振作弟不以責人而先以自責臺吏所司何事轉移風氣豈可委之氣數耶俞曲園師撰墓志云君少從陳碩甫先生學篆書中年以後又參以古籀文書法益精進兼長丹青喜收藏古金石得宋微子鼎有爲周客之文客字作何憲因自號曰憲齋海內稱憲齋先生得其字畫珍若拱璧蓋君雖以勳業著而翰墨之長固不爲所掩也

密行細字布魚鱗校注唐書劇苦辛日月江河經不廢廣

場爭辯獨斷斷

灌陽唐春卿尙書師景崇

論

師辛未通籍後在京閉戶讀書貴游罕通聲氣嘗爲唐書注搜羅百家貫穿古事密行細字手自排比積日既久成書二百二十五卷病中猶手自點勘嘗語友人云生平精力財力盡於是書矣宣統庚戌師由吏部左侍郎遷學部尙書彼時學說紛歧新舊水火師視事後以陶鑄人材爲亟開中央教育會於京師集海內俊彥商榷意見冀能溝通新舊折衷至當迺自命開通之輩盛倡廢止讀經之論又謂中小學堂均宜實行槍操託

詞於提倡尙武意則別有所圖余在會場慷慨力爭痛  
駁若輩之謬論累千百言廢經及槍操之議卒因此未  
能通過當余堅持之際師意頗不以爲然蓋爲若輩先  
入之言所簧鼓意不能無動也國變以後余謁師於津  
門旅邸師追論前事深佩余有先見之明嘗語人云十  
年以來學風浮囂釀成世變遂至不可收拾吾亦身在  
局中不能不任其咎嚮使主持學務者盡如師鄭之堅  
定不撓世變或不至若斯之亟耶甲寅歲闢參政院  
師名與焉力辭不就清史館聘爲總纂師有願與斯役  
以盡老臣微忱之語會以疾作未克任事

早年謫宦守窮邊垂老津橋泣杜鵑弟子再傳聞緒論欲

將落日挽虞淵

閩縣林贊虞侍郎紹年

諡文直

公由詞林轉御史臺風骨稜稜彈劾樞府要人屢觸當  
途之怒曾傳旨嚴加申飭癸巳甲午間簡授雲南昭通  
府知府時人擬之劉夢得之得播州公襪被赴任不以  
爲苦厥後樞臣更迭德宗深知其賢未及十年擢任開  
府歷撫滇黔桂豫均能以實心行實政官至民政部侍  
郎辛亥國變以後公旅居津門余時至西開寓廬謁見  
語及時事忠憤填胸扼腕嘆息有擊碎唾壺之概甲  
午會試房師張巽之先生出公門下故余得附再傳弟



子之列公子子有提學葆恒與余癸巳同年至相契洽  
子有學行邁倫多所贊畫不啻陶葆廉之於勤肅也  
公好山水遊而不甚爲詩惟見送江杏邨侍御歸里有  
二絕句次首云我亦當年柱下官封章無補淚沆瀾送  
君猶自增新媿兩載曾容負豸冠  
石船居士才無敵大集傳鈔徧部民廉吏難爲貧徹骨傳  
家詩卷勝金銀合江李紫璫大令超瓊  
君歷宰吳中大邑循聲卓著所至賓禮賢士培植人才  
詩文酷似髯蘇編集以邑名名之病歿於上海任所  
早負債甚重宦橐蕭然并無鬱林之石近世所罕覩也

隨車甘雨潤虞山清德和光夷惠間琴鶴蕭然無宦橐兒

童猶望使君還

侯官郭汝雨明府元昌

明府作宰吾邑清簡無擾民不忍欺去官之日負債甚  
鉅處脂不潤近代所希逝世以後氓庶追思久而弗替  
俞曲園師挽之云自秉鐸至鳴琴生平惟盡所當爲早  
已感孚徧遐邇不病民甘累已造物將何以圖報請看  
繼起衆兒孫

虞淵寒日生同盡吳苑秋風死未歸醫國有心春著手補

天無術涕霑衣

元和陸鳳石相國師潤庠 論文端

師歿於乙卯秋間時爲民國四年虞淵寒日十四字王

書衡參議挽聯句也。師精於醫學活人無算良相良醫以一身兼之秦曾源挽聯云無限感時心眼底滄桑歸一瞬未償醫國願篋中方藥亦千秋。

信國文章留正氣廣平詞賦鬱深思祝宗祈死天應憫猶勝崖山蹈海時其二

師於癸卯年爲余題先太史公雙紅豆圖卷子云廣平也有梅花賦不礙平生鐵石腸。楊仁山太守道霖挽聯云狀元宰相文信國齋寢祝宗魯叔孫又費仲深肅政史樹蔚聯云美好出艱難每向銅人話疇昔廢興屬造物誰將椽筆寫光塵。

早歲聲名動九閭晚年蕉萃隱金門寂寥燕市無屠狗自

把霜螯薦酒樽

靈石何潤甫副憲前輩乃瑩

前輩由庶常改官工部旋入諫垣戊戌己亥間官京兆尹庚子以後罷職隱居都下時以詩酒自遣精治肴核每約二三知己引觴共醉余月必數過焉。有炙鴨詩七律十二首均有寄託茲錄其一云薪臥真教瘁厥躬幾經烹煉付鑪紅拔毛誰濟燃眉急鍛羽休忘運掌功舊夢池塘鷗鷺雨新交樽俎馬牛風寂寥燕市無屠狗此技猶稱一世雄。希文作宦富吟哦三竺泉聲入夢多花事斜街零落盡雲

山別墅怕重過

其二

前輩有西泠聽泉圖于晦若侍郎題詩云訟庭電掃答  
詩筒心寄江湖物外蹤卻似希文無事日高松長笛憶  
圭峰又云天府頻傳報雨書河流怯聽水聲巖不如南  
渡臨安尹坐擁雲泉展畫圖自注云君方尹京兆入夏  
多雨君慮河溢爲災時見詞色每遇牡丹及菊花盛  
開時前輩輒於雲山別墅置酒觴客

摩天鷹隼勁無倫豸服峨峨百鍊身漢學亭疑情莫遁釋

之治獄少冤民

上元宗湘文觀察源瀚

早觀察勤於聽斷善亭疑法嘗曰吾以漢學治訟牒爬羅

別抉物無遁情

安定分齋興樸學離經辨志杜歧趨虞山流寓推冠冕萬  
石家風式里閭

其二

觀察守甯波時首翎辨志文會分經學史學掌故輿地  
詞章算學六齋按月命題課士以振樸學公堦秦寶  
岷撰行狀云自御甚約無姬妾之奉服食之者治家嚴  
肅有萬石君風燕閒之際頗喜與兒壻輩縱談今古商  
權成敗沛然若江河之決愛虞陽山水之勝因卜居  
於城中舉薦銜  
顧鄭交情世罕知禽魚風日悉譚資棲霞寺壁留佳句曾

對枯僧課六時

上元顧石公廣文雲

廣文著有蓋山詩錄清遠閒放條然塵埃之外鄭太夷方伯孝胥序云吾兩人同居金陵時相去可五六里恒散步往來或間日一見必歡悅如久別者既而縱譚竭所聞見今昔錯出乃至道路傳說里人雜事風日之佳勝魚鳥之動靜皆記憶以爲談資及其造語又皆被以立理衷以名教務爲深雋可喜之說日暮鐘動罷去則必送余至石城門下其間語默吟嘯起坐行立無不可以入詩亦恒爲詩以記之而反不能盡故余謂石公眞詩人也

棲霞寺有某僧係左文襄西征部曲石公贈

詩云髮毛刊盡骨峻嶒躍馬龍沙信汝能百戰餘生歸健卒六時梵課坐枯僧山中粥飯充腸未塞上戈矛飲血曾故帥雲臺圖像久生平聽話佛前鐙

荷鍤劉伶死便埋得錢買醉卽爲佳酒人詞客凋零盡煙

雨樓臺悶旅懷其二

廣文因餞春痛飲一醉而死余近歲每於秋間爲白下之遊至則輒與梁公約訪石公舊居流連不忍去公約題石頭山志云舊時酒客堂堂去來日溪山事事非浙人今尙拜三忠東市朝衣血染紅鬱律蛟蛇漸西集似留餘憤訴蒼穹

桐廬袁爽秋太常題

論忠節

庚子拳教初闕太常抗疏力爭與立尙書山聯閣學元  
徐尙書用儀許侍郎景澄同搜奇禍近世合稱五忠又  
或稱浙江三忠而太常文章氣節尤爲藝林推重靈櫬  
旋浙時滬上中外紳商迎謁盡禮挽聯之多縷指難終  
濮紫泉方伯子潼云撞壞好家居主辱固應臣死日珍  
藏此疏稿撥雲會有見天時陳藍洲大令豪云從朱雲  
地下遊大計則犯難以爭三疏先曾拚一死記于公夢  
中語今日竟成名而去孤忠應自鑒千秋

余有讀太常詩集有感二首附錄於後  
蓋賢獨荷九重知死後勞余十日思結舌寒蟬羞幾輩

傷心唳鶴弔殘枝待逢霧撥雲開會終詠臣忠主聖詩  
正氣長埋燕市血英靈呵護佐清時  
中江書院祀名宦漸西村人有草堂夢兆早符于少保  
碑文誰撰蔡中郎鞠躬效死扶天步苦口披誠上露章  
海外同聲頌遺直蚍蜉撼樹莫輕量  
臺閣生風賴諫臣上書調護語諳諳學融漢宋無門戶韓  
顧從知有替人其二

鄧鐵香鴻臚承修以言事被譴責忠節時官戶部爲之  
上書閻文介以公義請其保全直臣爲敢言者勸忠  
節著作繁富無漢宋門戶之見嘗慕韓文公顧亭林之

爲人立韓顧二齋每論近日士人之弊不知審取精要以立身濟世致智者挾攷訂碎文以欺世愚者守科舉俗學以自敝故人才敗壞官無專能士鮮實用中夏所以弱於文弊而四裔乘之故非變法不可讀書有得輒錄入日記公餘自課爲劬學後生所不逮

犬牙相錯道縱橫甌脫雙方禁用兵丰采端嚴酋長憚飲章萬口沸冤聲

嘉興許竹簣侍郎景澄

論文肅

光緒庚寅文肅任出使德俄和奧四國大臣俄兵遊獵每涉我國所屬帕米耳之界公爭之俄外部始已又議定界執舊議以烏什別里山爲界從此而南屬中國從

此而西南屬俄國俄人則欲以薩雷關勒爲界相持三載公堅執不撓俄外部乃爲調停之說帕界未定以前兩國各不得進兵以保和好雖界議猶懸而俄害稍戢公之力也 當辦關內外鐵路時意大利要索我三門灣公抗言駁之事乃寢外國公使駐我京城率驕不可制自公入總署稍稍斂戢羣公皆倚爲重然亦有忌且忤者無何而拳匪之禍起公與袁忠節聯名入諫首禍諸臣深嫉之迨各國聯軍逼近都門首禍者又倡言非殺主和大臣將何以戰遂及於難天下冤之 以上所言均見王書衡參議式通所撰爲浙紳公呈浙撫奏建

三忠祠稿

復堂類稿鬱琳瑯  
函衍新詩字字香  
高臥北窻彭澤宰  
怕聞鄰笛咽山陽  
仁和譚仲修大令獻

大令作宰含山能以經術潤飾吏事其致金淮生通守武祥函云獻硯棄君苗吏慚彭澤雖結習未忘而茲事遂廢又云淮南地大俗吏才謫始澇繼乾亦非稔歲較雋兄所治濱江泛濫為稍安耳又一函云卜居陽湖都人士賢達當一一傾衿獻頌望夙疴小愈訪戴從遊但一入郭門便當為才叔晉王雪涕懷舊不待山陽之笛也又云獻卅年緝香校讀有董江都淮南王二書易

林意林諸本撰錄自唐至明倚聲詞集

本朝詞名篋中詞者今集耳

篋衍集

師友遊者之詩

八載以來雜文詩詞明年思以次付梓

也

禮書通詁等身高垂老鑽研不憚勞方領深衣親指示經

文注義析秋毫

定海黃元同廣文師以周

師著有禮書通詁八十餘卷融會三禮兼採漢宋實足集禮學之大成余肄業南菁書院親承指授獲益良多月課所作詩鄭箋釋例及方領曲領解均為師所褒許今存鄭齋漢學文編中

鄭公帶草傍宮牆粉本留題翰墨香二妙馳聲負期許紫

藤花下憶飛觴

會稽李越縵侍御師慈銘

壬辰冬間余謁師於保安寺街厲齋師贈余五律二首  
有云儀鄭顏堂後江王亦擅名百年誰獨步二妙共馳  
聲自注云同時有曹叔彥孝廉元弼亦研究鄭學可稱  
吳中二妙 師又貽紈扇一柄畫杏壇及書帶草旁題  
一絕云鄭公書帶草秀色傍宮牆上接孔壇杏參天萬  
仞香

死友巨卿訂遺草貲郎司馬賦愁陰別裁風雅師承在慙

姚詞臣報國心 其二

越縵堂日記有數十巨冊易箒時聞歸沈子培方伯曾

植許爲選定付刊 白華絳柎閣詩集中有嚴寒入署  
戲成二律末聯云貲郎豈是相如意多爲凌雲賦未成  
甲午秋初余乞假歸省師扶病強起話別并贈詩云  
射策連珠冠輩行詞臣新選有輝光家風玉闥天真閣  
師法金城問字堂翰苑人才期爾振虞山文獻本家常  
宮花歸壽親庭暇努力明時報國長

西征萬里整戎裝頭白門生餞一觴舉盞消愁愁更甚故

宮禾黍語淒涼

長白志伯愚將軍師銳

謚文貞

辛亥春間師由杭州將軍調任伊犁將軍至都下述職  
余偕劉幼雲總監督廷琛鄭叔進侍講沅諸同年設餞



於嵩陽別業席間師語及在杭州時浙人議將西湖行宮改爲農事試驗場增子固中丞韞已允其請師語中丞云茲事如成余當書故宮禾黍四字懸之門前中丞悚然不知所對遂罷前議

傳家忠孝留遺澤閱世滄桑享大名出處死生有前定文章妙手本天成其二

傳家忠孝二語師於將赴伊犁任時題先高高祖潞安太守公山水畫册句也不及半年以身殉國此二語遂成詩讖矣忠櫬旋京余卽書此懸之靈右九原毅魄或當莞爾而笑乎原作謹錄於後

尺幅煙雲腕下生文孫珍襲幾經營傳家忠孝留遺澤閱世滄桑享大名入握雲根伴孤櫬出水泉水證清盟至今丹達山前月曾照魂歸哲孟城師鄭屬題時辛亥五月有伊犁之行將首塗矣倚裝匆匆并望吟正迂安志銳

河西保障轉輸勤雪窖驅車度夕曛拮据艱危心最苦壺頭功埒馬將軍秀水陶子方督部模 諡勤肅

公任州縣以廉勤聞所至撫卹瘡痍周歷郵堡無絲毫擾民撫新疆時接見僚屬口講指畫聲聞隔院俄侵帕密爾英併坎巨提皆爲邊患公慎密籌防不輕構釁據

理力爭徐圖轉圜乙未春陝甘各屬莠回告變公處以  
鎮定內脩武備外輯邦交摺拄艱難心力交困任陝督  
時力保河西四郡和解回漢世仇厥功尤偉

敢言戇直冠中朝松柏凌霜獨後凋東寄西鞬公論在盈  
廷唯諾媿朋僚其二

公會上請裁宦官疏致招衆怨而東西各報許爲中朝  
第一忠清之官陳豪撰墓志云公爲學由平實致廣  
大不立崖岸奮志匡時殊於迂闊察吏嚴平政先教養  
本末秩然如請停捐納廢科舉訓旗兵罷宮監次第入  
告絕無瞻顧殆所謂上不負吾君下不負所學者耶

衡文齊魯選青錢綏撫黔湘德似川卅載虞山數人物文

章政事邁時賢同邑鹿劬庵中丞鴻書

中丞於光緒辛卯偕汪郎亭侍郎師典試山東注重經  
策得主稱盛

祀典研求溯孔庭家風述作校讎經九州水道劬探索滿  
紙丹黃未殺青其二

龐文恪尙書著有文廟祀典考搜輯宏富潘文勤爲作  
弁言中丞淵源家學不好逸豫官書無巨細皆手自批  
閱潛研羣籍細書旁斜積稿盈尺尤究心於水經注故  
自號酈亭

赤眉銅馬互睚眦風槩千秋德不孤大節凜然盧子幹成  
均教胄有真儒

福山王廉生祭酒師懿榮

諡文敏

庚子之變聯軍入都師全家殉難 翁文恭師於辛丑  
七月有題楊先生舒城殉難紀略題詞後七絕三首其  
末章云赤眉碧眼互睚眦此事蒼茫近世無死節死忠  
同一哭千秋風槩是吾徒自注云觀此卷因感余門人  
王祭酒諸君

五經正義發新編漢學昌明執聖權獻賦螭坳經點竄班  
書劉略是山淵

其二

師在詞館時曾上疏請開館重修五經正義以漢注爲

山宗 師於甲午六月派充教習庶吉士余遂得附門牆

之列初次謁師以劉歆七略賦命題

尺素傳來謝錦衣登盤羞對蕨芽肥橫流何地容高躅不

繫虛舟賦息機

賀縣于晦若侍郎式枚

辛亥國變以後侍郎隱居不出項城命爲參政院參政

侍郎貽書辭謝稱爲慰庭四兄執事 先居青島歐戰

事起移家江左崑山縣因追慕顧亭林之爲人故居其

舊里也丙辰春間赴滬上訪友歿於舟中

大書深刻紀功碑題墨淋漓語語悲今日已成藩鎮禍神

州真有陸沈時

其二

侍郎有李寶臣紀功碑歌七古余已刊入四朝詩史甲  
集卷五詩中有云摩挲苔碣百感集蹉跎國步哀中唐  
代德以還那可道風塵瀕洞昏東方威弧不弦斧鉞鈍  
徒恃文物糜豪強凌煙圖畫紫微券一一狎視爭騰驤  
更勒豐碑紀勳績追逐方召參翱翔峨峨西平興義陽  
庶幾無媿桓文襄華州曾頌李全諒成都復紀韋南康  
此外文字僅羅列何啻中國紛蠭蟻八紘一裂不可止  
顛倒功罪由文章  
欲將落日挽虞淵門館情深子墨宣廿載布衣存舊誼疊  
山邵聘大名傳共三

侍郎辭參政函中有云詳繹教言深符鄙意想公必能  
堅持初志力爭上流取虞淵而洗光扶天柱而立極後  
世稱爲伊尹華盛頓合而爲一乃爲中西古今第一奇  
人此實千載遭際難值之事機亦是多年故交惟一之  
禱祝參政一席與鄙人性質甚不相宜前經我公舉爲  
考察憲政大臣前後章奏宗旨所在均可覆案然猶不  
欲顯爲辭遜恐負公知愛之殷已託菊相代達鄙衷  
又云川資過厚本不敢當謹留爲證行之券迴溯十年  
門館千尺深潭受惠已多大德不謝本不敢自外也  
函末云再總統係由西名譯出在中國原非極尊之稱

不必遠引博徵即小棧之盛軍周海齡兄弟稱周總統  
久矣公所親見也封題是官樣文式自應從同函內是  
平生交私不敢改二十餘年布衣之舊知公深情古誼  
斷不似夥頤王之陳涉也附呈莞正  
康濟情殷竭寸丹峻嶒傲骨不知寒一官垂老羈鵬翮教  
子成名抗范韓同邑言應千大令家駒  
大令歷宰劇邑於井陘尤多惠政著有橙叟詩存 斷  
句云非關澤蠖忘伸屈豈易冥鴻振羽翰又云分明傲  
骨峻嶒甚典盡重裘漸覺寒又云媿乏才能佐康濟鴻  
馨滿耳總關情 令子謇博大令有章作宰中州循聲

蔚起惜不永年仲淵次長敦源緯武經文才堪救國余  
昔客津門頗承編紵之契

周官墨子獨爬梳錢段金王一室居舊學深通新煥發啟

疆藍葦毓璠璣

瑞安孫仲容部郎貽讓

章太炎文鈔云德清戴望海寧唐仁壽儀徵劉壽曾皆  
治樸學貽讓與遊學益進以爲典莫備於六官故疏周  
禮行莫賢於墨翟故次墨子間詰文莫正於宗彝故作  
古籀拾遺 又云初賈公彥周禮疏多隱略世儒各往  
往傳以今文師說而拘牽後鄭義者皆仇王肅又糅雜  
齊魯間學貽讓一切依古文彈正郊社禘祫則從鄭廟

制昏期則從王益宣究子春少贛仲師之學發正鄭賈  
凡百餘事古今言周禮者莫能先也墨子書多古字古  
言經上下尤難讀備城門以下諸篇非審曲勿能治始  
南海鄒特夫比次重差旁要諸術轉相發明文義猶誦  
詰不馴貽讓集衆說下以己意神指迴明文可諷誦自  
墨學廢二千歲儒術孤行至是較著貽讓氏亦大類墨  
氏家居任郵所至興學與長吏檣柱雖衆怨弗郵也  
又云貽讓學術蓋兼有金榜錢大昕段玉裁王念孫四  
家其明大義鉤深窮高過之晚年嘗主溫州師範學校  
充浙江教育會長及徵主禮學館不起年六十一光緒

三十四年五月病中風卒

青萍枉自薛門來才子經生等劫灰三復名篇輸粟怨春

陵不減次山哀

同邑薛炯銘大令師應樞

癸卯春間師和余述懷詩有云世無旌鉞汾陽郭里有  
簞瓢陋巷顏又云經生才子都專席桃李私誇秀出林  
師權稅南潯作宰武義均有惠澤及民歿後家無餘  
貲遺稿亦未付梓集中有池魚行輸粟怨諸作以良吏  
之筆寫仁人之心不減次山春陵行也

名園依水竹干霄鐘鼓衣裳歎寂寥八股名高經濟掩發  
抒家學有蘭荇

同邑曾詮仲部郎師之撰

師構虛霽園於邑城西亭臺花木經營十年丁酉夏月落成移眷入園置酒觴客不及一月遽中危疾而逝師究心制舉業所作風骨高騫洛陽紙貴平居喜誦先輩制義名句汪雲壑子謂衛公子荆善居室題文有土木丹青之未竟而衣裳鐘鼓之全非二句師於酒後茗餘時時誦之不意遂成文讖 俞曲園師挽聯云居虞山勝地又有好園林上奉母歡下課兒讀憶吳下舊遊可爲長太息旣悲君逝更念吾衰余作一聯云儒林文苑史傳增光矧兼魏闕懸心胥天下樂以憂以福地洞天仙蹤長往太息名園過眼惟先生歌斯哭斯

玉尺量才異等科西江碩彥任爬羅冬榮晚翠齋中坐舊學商量邃密多

安順黃吉裳開學師卓元

師於甲午八月奉命視學江右次年余往謁見并襄校文字數閱月因先妣吳太恭人不豫遂辭別旋里 豫章學使署中書齋有枇杷晚翠桂樹冬榮一聯爲陳弢庵太傅寶琛所題 丁酉拔萃科江右得人稱盛文章點首有朱衣衣鉢相傳結契微獲吉勞謙占驗合科名前定識先機

商城張巽之觀察師孝謙

余癸巳鄉試出吉裳師房甲午會試出巽之師房均爲房首癸巳五月余在李仲約侍郎師文田幕中襄校文

字侍郎師因余將赴秋闈爲卜牙牌神數其籤句云不  
如人處聽升沈隨分常存退處心君子勞謙終獲吉有  
如瓦礫變黃金事後思之黃張兩師一名一字均在句  
中可云奇驗

徙薪曲突竟無恩爛額焦頭上客尊論政論兵千萬語吾  
謀不用舌猶存其二

巽之師究心經濟於世變洞若觀火甲午之役師屢有  
嘉謀密陳樞府庚子以後主持北洋官報局亦復時有  
述造於軍事外交建白尤多

鱣鱣山立貌端嚴講誦麟經四座瞻我媿魏舒成宅相兒

時慣弄雪霜髯同邑吳梅卿處士外祖廷榮

公山立豐髯講授四子五經大義冰解的破聲若洪鐘  
於春秋左傳致力尤深余兒時輒命侍立几案之旁爲  
講左傳五大戰事奮髯抵几有聲有色先妣吳太恭人  
秉承家學四子五經靡不洽熟雄六七齡時每令枕畔  
背誦近世教育家謂兒童讀經有傷腦筋先妣力駁其  
說嘗訓雄兄弟云中國學問以六經爲根柢今欲廢經  
而言教育則立國之本爲人之道均失其根據矣  
孝友烝烝法閔曾弟昆共被似姜肱療親到股天心感午  
夜焚香佛殿燈同邑楊聿聲上舍外舅受基



外舅天性孝友昆季三人推梨讓棗至老猶敦怡怡之  
愛十三四歲時護親病篤中夜焚香禱天願減己算以  
益親年又潛行割股和藥以進親病竟獲瘳焉居於吳  
市鄉鄉人化之園圃負販之氓內行率多純篤少年偶  
有佻達之行輒懼爲公所知歿之日聞者多哭失聲其  
區蓋桑林兩被疑南華悔讀賦新詩瑣園校士張珊網聯  
臂升天桂一枝長洲王嵩隱農部前輩頌爵  
前輩散館時以桑林二字被抑及考試差又以區蓋二  
字被黜 庚寅分校禮闈搜羅篤古之士有浙卷文筆  
古峭絕似定盦按諸帖括則不中程式爲力薦於總裁

揭曉則蔡子民太史元培也入民國後太史爲教育總  
長及大學校校長

直言極諫不居名颯颯霜毫四座驚一瓣心香承屈子倦  
倦忠愛寄荃蘅其二

光緒中葉臺諫中以安曉峯侍御維峻爲敢言前輩與  
之交密其劾皖撫阿克達春之貪黷劾北洋購買兵輪  
之浮冒等疏皆前輩屬稿也 又爲某公代擬會奏請  
將故楚左徒從祀孔廟摺云戰國橫流周公孔子之道  
不行於南國原以放廢孤臣倦倦故主以自託於風人  
譎諫之道不獨荆楚文學自此而開即其稱述堯舜歸

本王道孟子之外一人而已

寸縑尺素人爭寶王翰相鄰過百年作吏吳山容坐嘯出  
勤撫字入攤箋

同邑張雨生刺史溥東

刺史工畫山水追蹤麓臺作宦海寧翛然意遠迴殊俗  
吏 余家自先高祖吉士公於乾隆中葉移居邑城大  
步道巷與張氏卜鄰蓋一百三十餘年矣余髫齡時刺  
史以畫扇見貽并題一詩云百年王翰舊相鄰君祖吾  
師誼倍親白髮飄零感疇昔程門回首一傷神刺史親  
受業於先祖朗甫府君故不覺言之親切也 令子航  
伯亦工繪事能傳家學

長蛇荐食蘊陰謀補救艱如挽萬牛臥病五年辭藥餌祝

宗祈死范文偉

長白錫清弼督部良

奉省逼處強鄰無一事不牽及交涉制軍任東三省總  
督時遇事堅持思與外人爭得一分利權國家即少受  
一分損失無如中外隔閼臺吏每難自主如日本軍用  
安奉鐵路日擬改修寬軌奉省與之力爭已可退讓忽  
有部電悉如日領所請前功於以盡棄錦州至璦琿鐵  
路橫貫南滿東清兩綫爲東三省聯絡要樞適美國財  
團代表遊歷至奉制軍與之密商借欸興築草約已定  
電奏候旨即可簽約不謂交部議覆機事遂泄功又敗

於垂成 辛亥九月奉召力疾入覲本有山陝督理軍  
務之議旋忽改爲熱河都統共和局定退居津寓壬子  
孟冬得類中之疾右偏艱於動轉家人延醫調理制軍  
素性不喜服藥至是更曰時事至此雖愈亦奚以爲遂  
罷藥至戊午正月卒於都下

秋衾銅輦夢佳期帝子湘君絕妙辭史稿飄零經蠹蝕赤

眉暴亂有傳疑

湘鄉李亦園比部希聖

比部有雁影齋詩吳印丞爲刊入松鄰叢書中陳石遺  
亟稱其望帝湘君二首一爲德宗作一爲珍妃作也湘  
君詩云青楓江上古今情錦瑟微聞嗚咽聲遼海鶴歸

應有恨鼎湖龍去總無名珠簾隔雨香猶在銅輦經秋  
夢已成天寶舊人零落盡隴鸚辛苦說華清望帝云玄  
菟城頭紫氣橫長安月照國西營天邊馬角無消息海  
外龍髯有死生貢使祇應供夏葛歸期猶及薦春櫻煙  
花繞禁今如昨莫遣張衡續兩京 比部著有庚子傳  
信錄自拳匪肇亂迄於西狩不及萬言能盡情變王書  
衡錄有副本尙未刊行巴陵方氏藏書散出後比部縱  
閱之多有跋尾今稿本聞在陳詒仲處

九折雲灘蜀道難輕舟穩渡客程安萑蒲匿迹銷鋒鏑惠

政原須猛濟寬

宜興任逢辛觀察錫汾

光緒丙申觀察蒞川東道新任適值亢旱盜匪充斥下車卽籌賑撫平糧價捕仇教莠民十餘人置之法又削平雲灘置救生船隻以便行旅  
坐看兒輩到公卿雛鳳清於老鳳聲三徑就荒松菊在白衣送酒羨淵明 其二

辛亥秋冬間觀察於滬上寓廬特闢旁舍以居戚好之倉猝避兵者後因世變愈亟晷晦益深於宅後隙地葺園亭栽松菊以自娛數延故舊爲詩酒之會 令子鳳苞鳳巢鳳賓均有聲於時鳳苞字振采尤精研財政學十年前余客津門張小松次長壽齡方任天津縣余與

振采時過衙齋譚藝甚洽因得諗知觀察治行

徒薪曲突不求恩牖戶綢繆衛九閭火烈終教民鮮死野無暴客罷邊屯 江寧鄧季垂觀察嘉績

觀察由荊州調守奉天適承日俄戰後遼瀋瘡痍滿目日人持遼東半島租借條約驕甚陵官虐民上下有交困之勢觀察以爲能自治其國則人莫敢侮益以地方治安爲急與民休息養士捕巨盜九枝手盜風漸戢苦爲窮民留有餘如傷積尾詠魴魚家風清白無干進朝貴羞通尺一書 其二

在貴州凡八年辛卯冬邵中丞友濂奏調至臺灣補嘉

義縣民間契稅多逋上官責追呼君曰吾非不能但欲  
爲地方留有餘終其任不追比去任之日庫有雜征銀  
七千餘兩悉付代者絕無挪貸 在官日久迭經送部  
引見存記嘉獎而於朝貴不通尺一雖屢被薦引未嘗  
一至京師惟庚子以候補直隸州簡守襄郡爲生平異  
數而位卒不隆者由素性耿介不屑委蛇干進也 觀  
察爲嶮筠督部廷楨之孫令子孝先都轉邦述淵源家  
學外腴內充今世之管樂也

鄧齋感逝詩甲集卷二終

道州府

通河平 國 祿

平